

Gvangjsih Minzcuz Bau

ganhhau: CN45-0036 B.2020 Nd.5 Ng.6 liggaeuq gengceij nienz ndwenseiq cibseiq

广西民族报

(壮文版)

主管主办: 广西壮族自治区

区民族宗教事务委员会

编辑出版: 广西民族报社

出版期数: 总第 3422 期

Aen Hoihhong Funghhoiz Sawcuengh Dingh 380 Aen Sawloih Baenzlawz Hoiz

4 nyied 16 hauh daengz 17 hauh, 20 hauh daengz 22 hauh, Aen Siz Sawcuengh Cunghgoz Minzcuz Yij-vwnz Fanhyiz Giz youq Nanzningz hai hoihhong, cujyau lwnhyaeng 《Cibgouj Daih Doxdaeuq Gij Vwnzyen Senjbien Youqgaenj Haenx》(cek gong) ndawde 380 lai aen sawloih, vih saedhengz fanhoiz hanghmoeg guh ndei hong caepcawq.

Baez hoih neix youz doengh boux canghfanhoiz miz fugauh cizcwngh

doxhwnj camgya. Aen hoih neix ciuqsouj yenzcwz “vat, cauh, ciq”, haeujvangq bae vat, haeujlaeg bae vat, lingzvued yungh ndei sawloih minzcuz, siujsim hablex cauh sawloih, ciqyungh sawloih, habdangq camciuq gij banhlap cawqleix aen banjbonj fanhoiz cwngei vwnzyen baenz Yinghyij haenx, caenhrengz guhdaengz yungh gij vahcoj haemq cinghseuq haenx bae byaujdaz, roengzrengz gaijbienq gij guhfap cug

aen sawloih doiqciuq hoiz, ciuq sawmienh hoiz haenx, caencingq guh daengz gawq lauxsaed doiq nyuenz-faenz youh lauxsaed doiq bouxdoeg, engq ndei saedyienh aen muzdiz haidaeuz Gun hoiz Cuengh.

Baez hoih neix, doengh boux canghhoiz coz youq Baekging haenx yungh veihsin camgya hai hoih, dingq hoih.

(Cau Fungh)

SIUSIK DINJ

● Daj bi 2018 doxdaeuq, Denzlinz Yen laebdaeb haeujlaeg bae guh “bak aen giyez bang bak aen mbanj”. Dangqmaj, aen yienh neix gaenq cauhlaeb 19 aen banggungz cehgenh, sou vunzhong ranzgungzhoj senjdieg haenx 996 boux daeuq guh-hong, dangqnaj gaenq bang-coengh 1000 lai ranzgungzhoj vunzhong ndaej youq gyawj ranz guhhong.

(Dwng Veijyuz)

● 4 nyied 29 hauh, Loz-cwngz Mulaujcuq Swciyen Dunghmwanz Cin gwnjhengz ndaw yienh gak giyez bang gungz coengh hoj gien soengq yizsi. Gvangjsih Lozcwngz Sinlinz Fangzdicanj Youjhan Gunghsw h daengj 29 aen giyez bangcoengh gungh soengq 40.3 fanh maenz, coengh aen cin neix guh ndei hong banggungz.

(Luz Cuihyinz)

● Geij bi neix daeuq, Denhngoz Yen baengh ndoengfaex lai, haenqrengz saedhengz aen gunghcwngz gyagoeng faex, doenggvaq yinxhaeuq caeuq gungganq buek giyez lingxdaeuz ndei, haenqrengz hwngfat benj vunz guh daengj doxgaiq au faex gyagoeng haenx, hawj faex ndaej leihyungh lai lai caeuq doxgaiq lai dij cienz, bangdoi linzyez canjnieb daez caetliengh gya yauqik.

(Denz Siyenj)

● Geij bi neix daeuq, Dunghlanz Yen Aidung Cin Bohlhah Cunh mboujduenh gyalai canjnieb gezgou diuzcingq ligdoh, laebdin gijndei canjnieb swhyenz bonjfaenh, yungh swhyenz diuz-gienh ndei, hwngfat gij hanghmoeg dinj bingz vaiq, ndaem gvehoengz, gyalai vunzlai dang-dieg souhaeuq.

(Mungz Ginhdauz)

● Mboengqneix, Nanzdanh Yen Swhfazgiz cauhamoq bujfaz hingz sik, youq gwnz muengx fat eu fwen bujfaz sibinz, bae daengz dieg fat ceksaw senhconz bujfaz song cungj fuengsik dox giethab, senhconz fapldw fapgvi hawj vunzlai. Doenggvaq cungj fueng-sik vunzlai haengj dingq gyaenz yawj haenx, hawj vunzlai yinx hag fapldw, gyalai senhconz bujfaz, daezsang gij fapceih eiqsik vunzlai.

(Liz Cwngzcwngz)

Gunghcwngz: Angqhoh Mbanjyauz Ndaej Mingzdaeuz Ndei

4 nyied 27 hauh, Gunghcwngz Yauzcuz Swciyen Gvanhyinh Yangh Ciuhsanh Cunh gyoengq beixnuengx Yauzcuz ciengq go diuq foux, angq-hoh aen cunh neix ndaej Guekgya Minzveij daihhaj buek “Cungguek aen mbanj miz siujsoq minzcuz daegsaek” gij mingzdaeuz miz-naj haenx. Ngoenz haenx, aen yienh neix dungcanbu, minzcunghgiz, yienh yinzda, Gvanhyinh Yangh Cwngfuj gyoengq daihyauj caeuq dangdieg ginzcung camgya le biengj baiz yizsi.

(Cauh Binjciuh Banz Yenlingz)



Denzyangz Doeksaed Cwzyin Guh Hong Cuengh Gun Song Vah Gyauyuz Doidoengh Minzcuz Gyauyuz Hwngfat

Geij bi neix daeuq, Denzyangz Yen nyinhcaen doeksaed aen cwzyinci guh hong Cuengh Gun song vah gyauyuz, mboujduenh doicaenh minzcuz gyauyuz hwngfat. Seizneix, aen yienh neix miz hagdangz son Cuengh Gun song vah 4 aen, couhdwg Minzcuz Cunghyoz, Bwzfungh Cungh-sinh Siujyoz, Bohhungz Gujmeij Siujyoz, Bwzyuz Siujyoz, gungh miz hagseng 2084 boux; gauhcungh hai miz 6 aen ban minzcuz, gungh miz hagseng 300 boux. Gaenxmaenx cujciz lauxsae Cuengh Gun song vah camgya gak loih son' gyauq hozdung

45 geiz, soqvunz neix miz 1532 vunzbaez.

Aen yienh neix laebbaenz aen gihei hezdiuz guh hong minzcuz gyauyuz dangiveij lingjdauj, cwngfuj hezdiuz, bouhmonz lienzdoengh, doengh aen gyauyuz hingzcwng bouhmonz ndaw yienh dungjcouz hezdiuz hong Cuengh Gun song vah gyauyuz aen yienh neix, gyagiengz aen hagdangz Cuengh Gun song vah lingjdauj banhswj hwnjguh, boiq gij vunz cwngei suciz haemq sang, guenjleix gingniemh fungfouq, gyaenz hong Cuengh Gun song vah gyauyuz

gyauyoz haenx guh yaucangj aen hagdangz Cuengh Gun song vah; dinghseiz genjcaz sonyinx hong song vah gyauyuz, minzcuz, caizcwng, yinzse, benhci, minzyij daengj bouhmonz gaenxmaenx boiqhab, haeujcoengh hong Cuengh Gun song vah gyauyuz. Doengzseiz, au hong minzcuz gyauyuz gvi haeuj daengx yienh cunghab gaujhwz bingzgya dijhi bae, dangguh gij neiyungz youqgaenj gak yanghcin, yenciz gak bouhmonz, gak danhvei lingjdauj banhswj, lingjdauj ganbu nienzdoz moegbiu cwzyin gaujhwz.

(Cungh Hwngzmau)